



Moderamen  
GBKP

# Ibadah Keluarga

Jumat, 27 Maret 2020



Moderamen\_GBKP



gbkp.or.id



Moderamen GBKP

## I. PERSIKAPEN

- Sikapken ingan rikut pe suasana si mehuli, janah ajuk kerina anggota jabu segelah ikut muat bagin ibas Kebaktin Keluarga enda.
- Adina lit pemusik ras alat musik (gitar, keyboard, pianika, rsd.) banci sipergunakan guna mendukung acara Kebaktin Keluargata.
- Adina lit Media Musik Digital GBKP banci sipesikapken. Entahpe banci sipake Androidta guna ngenen syair lagu ras musik.
- Tentuken si mabai acara ras sikapken petugas sienggo iaturken i bas Kebaktin enda.

## II. KEBAKTIN



### RENDE

Meriah kel ukurku adi kam cirem-cirem 3x  
 Ha-ha-ha... he-he-he.... ho-ho-ho....  
 Hahahahaha.....hehehehehe.....hohohoho.....  
 Ha-ha-ha---he-he-he....ho-ho-ho

\*nyanyian dapat diubah dan disesuaikan



### ERTOTO

Ibaba **KAKR** (kaum anak) atau **PERMATA** (kaum muda)

**Musik mengalun entahpe sekalak anggota jabu ngendeken Lagu KEE 76 “KulebeNdu Dibatangku” salu setengah sora (ulihi 3x)**



### RENDE

**KEE 76:1**

KulebeNdu Dibatangku, aku nembah ‘rjimpuh pe  
 Dengkehkenlah min totonku, nen iluhku mambur e

\*nyanyian dapat diubah dan disesuaikan





## RESPONSORIA (PERTOTON MINDO PENGKAWALI ERPALASKEN MAZMUR 5:2-3)

**P: Mamre** (kaum ayah) **entah Saitun** (kaum lansia)

**J: Anggota Keluarga**

P : Begikenlah rananku o TUHAN

J : Dengkehkenlah kelsehenku. O Dibataku, o Rajangku

P : Begikenlah sorangku erlebuh mindo penampat

J : Sabab man banNdu ngenca aku ertoto

P + J : Amin



## RENDE

**“Yesus Kupanggil”**

Yesus kupanggil, Yesus kuundang masuk dalam hatiku

Memimpin, menuntun setiap langkah hidupku

Sucikan kuduskan semua dosaku

(siendeken 2x)

\*nyanyian dapat diubah dan disesuaikan



## NGOGE PUSTAKA SI BADIA YESAYA 41:13

**Iogeken Mamre** (kaum ayah)



## RENUNGEN

**LogekenMoria** ( kaum ibu)

### **Dibata Penampatku**

Sekali jadi lit sekalak anak KAKR umurna 6 tahun (kelas 1 SD baru sekolah), sangana ia ngerjaken PR matematika arah sekolahna nari. Ogena soal, lit piga-piga penungkunen. Makana manjar-anjar ijababna.  $1 \times 1 = \text{Yesus}$ .  $2 \times 2 = \text{Yesus}$ .  $3 \times 3 = \text{Yesus}$ . Kerina soal-soal penungkunen i jawabna alu jawaban Yesus. Emaka kenca enggo dung PR na ndai, tuduhkenna man nandena segelah iperiksa. I sungkun nandena “eh... engkai makana kerina bahanndu jawabenna sama dengan Yesus nakku?” reh nina anak e jababsa “sebab kubegi kam ngerana arah HP man temanndu mak, kerina persoalan jawabenna Yesus, emaka kujawab kerina soal-soal matematika enda jawabenna Yesus”.

Arah ilustrasi sisederhana enda mabai kita merenung ras kembali membangkitkan pengharapen ras kinitekenta maka kerina jawaben i bas persoalan sinihadapi kita eme Dibata. Ku Dibata kita erpengendes, tetap ertoto dengen erpengarapen. Bagem sinipeseh nabi Yesaya man bangsa Juda tupung bangsa e nterem ibuang ku negeri Babilon. Ija kesengsaraan, kebiaren, kekuatiren me si terus lit i bas pikiren ras ukur bangsa e. Tuhu-tuhu kegeluhen si la bagi ukurna. I bas keadaan sibagenda rupa, Yesaya isuruh Dibata guna mpetetap ukur bangsa e, segelah tetap setia dengen erkemalangen man Dibata saja. Nina Dibata: “Aku kap Tuhan Dibatandu, si ncikep tanndu si kemuhen. Janah Kukataken man bandu, ola kam mbiar, Aku nampati kam”. Pergegeh si ipeseh Dibata man bangsa Juda enda, jadilah min jadi pergegeh man banta. I bas situasi gundari tuhu mara klesa silaterukuri kita nderpa kegeluhenta bahkan nerpa doni enda. Covid 19 eme virus si kitik si la teridah mata tapi tuhu-tuhu maba kearun dengen kebiaren simbelin man banta. Tapi tek kita kata Dibata si nai ipesehNa man bangsa Yuda, jadi pe man banta i bas paksa enda “Ola mbiar Aku nampati kam”. Dibata pasti nampati kita. Dibata pasti ngkawali kita. Dibata pasti tetap nemani kita melewati masa-masa sulit enda. Tetap ertoto dengen erpengarapen man Dibata saja. Amin.



## ERTOTO



## RENDE

KEE 275:1-2

Kam Tuhan Sekawalku Lalit Kebiarenku

Amin gulut ukurku ernalem tetap baNdu

Galumbang simerawa jadi i bas geluhku

Lalap aku erpengendes, sebab Kam kap bentengku

Aku iapuliNa, adi reh kesusahen

IberekenNa bangku perpadanen si tetap

“Ola mbiar anakKu, Aku kap sekawalndu”

Bage kap nina Tuhanta, man banta si tek baNa



## DOA SYAFAAT

Ibaba **KAKR**(kaum anak) **entah PERMATA** (kaum muda)



## DOA BAPA KAMI